

BRILLER, PINSE OG VEDKJENNING

Nyleg sa legen at eg burde få meg lesebriller. Som sagt så gjort. No har eg 4 par med + 1.50 styrke. Når vi ikkje ser klårt sjølv, er det viktig med briller, så vi kan sjå kva som står skrive.

Det er pinsetid!

I tida fram til pinse har vi høyrte at Talsmannen skal koma. Han skal overtyde om synd, rett og dom. Men Han skal og herleggjere Kristus(16,8-10+14) gjere oss trygge på at vi får vere bom av Gud, vår Far i himmelen, og gje oss bøna sitt språk. (Rom. 8, 14-16+26-27)

Pinse tyder difor både syndsvedkjenning og lovprising av Han som kan tilgje alle våre synder, slik vi gjer det i gudstenesta. Men her vedkjenner vi og vår kristne tru på Den Tre-Eine Gud, Faderen, Sonen og Heilaganden.

Ordet *vedkjenning* er rikt. I Guds Ord har det dei nemnde tre tydingane: *Synsvedkjenning, lovprising*, men og truedkjenninga ***si fastsetjing*** av det Skrifta seier.

Gud Heilaganden er og opptatt av det siste. Tenk om vi kan seie som Paulus:
"...eg skjemmest ikkje, for eg veit kven eg trur på... (2. Tim. 1,12)

Pinse er og å ta vare på vår kristne tru! Les. Hebr.10 frå v. 19. Iv. 23.heiter det:
"Lat oss halda urikkeleg fast på vedkjenninga av vår von;... "

Når vi les Guds Ord, vil vi alltid ha på oss "briller" i form av føresetnader vi har med oss.

Vedkjenninga gjev oss dei rette brillene. Les Guds Ord, men og den Vesle Katekisma, og så Augustana. Eg garanterer ei rik oppleving, men aller mest at desse rette brillene vil både skape og styrke di kristne vedkjenning.

Pinsa må ikkje berre komme og gå i år. Eg trur Anden, ja, Herren vil noko med deg, meg, og si Kyrkje i Øygarden prestegjeld.

